

22.
C O P I A.

Der warhaffte Abschrift
des grossen Treffens / welches Zwischen dem
König in Polen vnnnd Schweden / den 17. Junii / des
1629. Jahrs geschehen / Von Herrn Georgen von
Arbm / an ihr Fürstl: Gnaden Herkog
von Friedlandt vnd Sagan
Abgangen.



Gedruckt zu Prunn in Mähren / bey Christoff
Hagenboffer / Im Jahr Anno 1629.

Abschiff.

So von Herrn Georgen von Arbm/ an ihr
Fürstl: Gnaden Herzog zu Friedlandt
vnd Sagan Abgangen.

Iwer Fürstl: Gnaden/ habe ich/ in vnder-
thänigkeit zu berichten nöthig Erachtet/ daß wir der Pol-
nische Herr General/ mit 700. Husaren vnd 1000. Cosacken/
zu mir gestossen/ wir also in Gottes Namen zum Feindt ange-
zogen/ welchen wir auch Gesteriges Tags bey einem starcken
Paß mit 53. Compagnia zu Pferd/ vnd 2000. Muscatirer
angetroffen/ der Liebe Gott aber hat Vns das glück gegeben/
daß wir Vns alßbald des Paß bemächtigt/ sein darauff mit
der Reitteren weil das Fußvolck so gschwind nit folgen künden/
ohne die 300. Muscatirer damit der Paß besetzt worden/
in Zimblichen vorthen/ zum Feindt hinübergeruckt/ welcher
sich alßbald Præsentirt. Nun bin ich zwar nit willens ge-
wesen/ den Feindt alßbald anzugreifen/ sondern ihne nur
biß das Fußvolck herein kömte/ auffzuhalten/ Der Polnische
General aber/ wie Er dann in seinen Procediern sehr hitzig/
hat mit seinen Husaren vnd Cosacken Treffen lassen/ die weil
aber der Feindt/ dieselbigen gschwind oberhalb zuruck gejagt/
hab ich sie Notwendig entsetzen müssen/ was für vmbstente
darben vorgelauffen/ Erachte ich E: Fürstl: Gnaden alles zu-
berichten vnndig/ weil dieselbe sonst mit Vilsältigen geschaff-
ten beladen/ dises ist aber der außgang gewesen/ das Vns Gott
das glück verlihen/ wiewol sich der Feindt gewiß als ein Sol-
dat

dat erzeigt/ das Wir in nit in volle Flucht gebracht/ diervell Er
aber/hinter einem Dorff noch etliche Compagnia, zur reser-
ue gehabt / haben sie sich zu derselben gewendet/ darauff ich die
Troppen so ich bey einander gehalten auch anziehen lassen/ vnd
die Andern/ welche die Pollen mit sich ein zimlicher Con-
fusion gebracht / zusamen widerumb bekommen/ Gott aber
hat Uns beygestanden / das der Feind weichen vnd Fliehen
müssen/ welches Er gleichwol noch mit zimlicher Manier ge-
thon / doch hat Er einen zimlichen Harten stand halten müs-
sen/ also das der König in Schweden für sein Person selbst
mitten vnder Unseren Troppen gewesen/ Vnsere Reitter ha-
ben auch so nah nach im gegriffen das Er den Huert im sich ge-
lassen/ welchen E: Fürstl: Gnaden / ich vberschicke / er hat ge-
wiß Ursach Gott zu dancken das Er solcher gestalt noch für
dissmal darvon komen/gleichwol hat Er Etlich Tausent Man
verlohren darunder seind vber 30. Hohe Officiren, Ob-
riste Wacht vnd Rittmeister Tod gebliben / vber 50. Offi-
ciren, vnd bey 300. Soldaten gefangen worden/ der Junge
Reingraff ist auch auff der Walsstatt Tod gefunden worden/
Wir haben Anlff Cornet 10. Lederne Stuck sambt Etlichen
Fahnen bekommen / von denselben vberschicke E: Fürstlichen
Gnaden ich 4. Wollen sie mehr haben so stehet es bey dersel-
ben befelch / die Cornet vermaine ich werde nicht vnrecht thun
wann ich sie ih: König. Mayst. vberantworte/ daher warte ich
Erstlich E: Fürstl: Gnaden befelch / jetzt hat der Feind ain
Trombeter wegen Etlicher vornemer Leichnam vnd gefang-
nen

nen zu mir geschickt/ der bericht/ das der König gesagt das Ehr
noch Niemal so warm gebadet/ doch were im Lieb/ das er die
Kaiserischen hete Leren kennen/ ich vermaïne aber/ Er
wirdt sich der Kundschafft wenig zuerfrewen ha-
ben/ alle Officir vnnnd Soldaten haben sich
ohne vnderschied von E: Fürst: Gnaden
Soldaten/ so Tapfer Erzeigt das
ichs gewiß hoch zurühmen ha-
be ic. Datum Marín
den 17. Junij.

